



MARA EVANGELICAL CHURCH

VACHHUH

MONTHLY NEWSLETTER



Volume 27

Monthly Newsletter

May I/2020

Editorial

Atahma hla khizaw ta â tymâkhei chaipa cha Covid-19 hriiah a châ. Covid-19 hriiah yzie he a kathu ngasapa châ ta, a pakhâna thohna tlyma, patlâhna thohna tlyma ama tao thei mâh leipa a châ. He hriiah chhiepa hnohky liata chyhsa ma a y?Khazohpa ma a y?Sata ma a y?tahpa hmiasieh rairu kawpa chhao a châ. Anodeikua, a raihria liata eima mo tita, Ahri Sata raihria miakha hawhta â lâ. Zisu ta “Paruhmâhpa cha paru awpa nata thie awpa nata parao awpa leipa ta cha a vy vei, Kei lâ hro ama hnei nawpa ta a kipa ta ama hnei nawpa ta a vypa ei châ” a tah (Zhn. 10:10). Covid-19 ta a hria papuana eima mo tita, zawpi a pahmaoh pakhyna a pakhâpa vâta cha liata a vaw hria tua chaipa cha awnanopa a vaw châ. Awnanopa cha zawpi a pahmaoh pakhyna ta a paduapa a châ. Awnanopa cha sawkhâ tawh tlai ta achhyna o liata zawpi a pakhy ta Khazohpa achhy awpa he pasaipa vaw châ khao leipa ta, awnanopa moh ta a hmaopakyhna Meeting mo 10 hlâta ahluh viapa zy, Conference zy, Seminar zy, Sunday School achuna zy, camping zy, novah ahneina kyhchhi zy, etc.. zydua chhao tao mah khao lei awpa a vaw châ haw. Awnanopa thatlôna tharipa phiapathla tlu ta a vaw châ. Cha hawpa awnanopa duahmo taih maniah a tlôkheipa raihria a châ hawpa vâta Covid-19 he Sata raihria miakha ta a py theipa a châ.

Chavâta Covid-19 hriiah avaina he Sata raihria avaina hawhta tlyma, Covid-19 adyuna cha Sata adyuhna tlu ta pachâ awpa a vaw châ haw. Cha liata Covid-19 adyuhnapha chaina su cha “Chhôhkha” a châ. Izarel sahlao Phiraoh seichâna tawhta pua thei nawpa ta Khazohpa ta potlana mia 10 ta hrienazy (Thisai ta hriena, Cha-u ta hriena, Thlohmiya ta hriena, Mathyupa ta hriena, Sahro ta hriena, Kheihluh ta hriena, Pareih ta hriena, Khawsu ta hriena, Zohna ta hriena, Saw tuapa thina ta hriena) cha Izi mo hnohta patlôsapa a châ. Saw tuapa thina hriena tawhta ama boh thei nawpa ta Izarel sahlaozy cha chhôhkha liata pahra ta ama ochhi liata Mietaku thisai thu awpa a châ (Pua. 12:1-36). Atanoh Covid-19 chhao he eima o chyua ta pahrâ ta, eima ohmia

liata ku a sina ti sokhai ta ku a si lymana chô ta a pawhsa awpa maniah ama chho. Cha hawhta achhyna o liata zawpi a pahmao pakhyta ta Khazohpa eima chhy thei khao mah leipa chhao ta, eima o chyua tawhta Khazohpa achhyna pyu a diah lei awpa he Sata raihria eima dyuhna miakha a châ aw. Eima chhôhkha chyua ta Khazohpa achhyna padiahsa leipa ta Khazohpa bie reina kyh, ABeipa reithaina kyh, Abeipa lâta eima sôh piena kyhzy diathla chachei leipa ta Khazohpa eima chhy lyma awpa he dyutuhpa eima pahniena a châ aw. Chavâta Awnanopa parao awpa, paru awpa, nata thie awpa ta maniah a tei ngapa he chhôkha liata Abeipa liata ahlâna chôta pahniena poh zaw thluh suh vy!

MEC Noh 40 chhôh Bialia Thlachhana Opening Service hnei



Rev. Dr. L.B Siama Beietana rei hainopa

May 3, 2020 (Sunday) Lialaipi Vaihpi achhyna o liata MEC Noh 40 chhôh Balia Thlachhana pathaona program hneipa a châ. He Program he Rev. Dr. Zôdau ta siekhei ta, daihti pathaona châta Pro.pastor Sero, KHP Secretary ta thlachhana hnei ta, Rev. Dr. L. B.

Siam, General Secretary ta MEC awnanopa lâta bietana a hnei. Rev. Satu Ve u, Lialai Biatuha nata outgoing Moderator ta noh 40 chhoh thlachhana program chata special thlachhana a hnei. He Balia thlachhana he May 3 tawhta June 14 taih noh 40 chhoh ahma awpa a cha. Cha liata Khazohpa biepipa cha, “Hy ABeipa, eima râh he patlâh heih mah y” (2 Tr. 7:13-14) a cha. Thlachha awpa tlâhpipazy cha kao 3 lâta pachhaiha cha ta arylâ hawhta a cha aw.

1. Covid -19 Hriiah nata azaopa ta

- a. Covid-19 vata khizaw potlana he thlai âpai thei nawpa ta.
- b. Covid-19 hriiah aveihpazy, mohoh ta a deichhytuha zydua chata.
- c. Covid-19 vata athipa chhohkha thlâlôhna ama hnei thei nawpa

2. Myanmar râh chata

- a. Myanmar râh liata chariah adyuhna bâh saipa ta adyuhna nata aryhna a charei thei nawpa.
- b. Chariah adyuhna vata Rakhine State nata Paletwa Township liata rairuna atyha, ama o nata lyu siesai pa ta luh nyuna a hnei khao leipa (refugees) zy nata amo a deichhytuha mopakha nata phu/py zydua chata.
- c. 2020 liata Myanmar râh Election (Atlyna) he hlaotloh kawpa ta a tao thei nawpa.

3. Mararah nata Mara Awananopa chata

- a. Eima râh liata Covid-19 hriiah vata nata chariah adyuhnazy vata zawpi ta Khazohpa Achhyna eima hnei thei khao leina daihti liata Awananopa zydua ngiapana nata Khazohpa Bie pahnona liata chakâhna eima tyh lei nawpa;
- b. Awananopa liata chakaotuha Pastor zy, Assembly Staff zy, Evangelist zy, missionary zydua chakaona liata thazeihna y leipa ta thatlona ama hnei lyma thei awpa;
- c. Eima Mission field liata hriatuha Missionary zy, Hriatuhpazy, Awananopa sahlao zy rairuna ama tyhna daihti liata panao leipa ta ama sie lyma thei awpa;
- d. Eima Awananopa liata “chhoh to ta Khazohpa Achhyna a-ipa ta hneipazao lymapa ta, Khazohpa lâta Suhrawh Sukha (KTS) piena, Beiparisoh zy, Mission soh zy, Beipa liata Thaphana soh nata Awananopa ta ahnawpa soh zy aly kawpa ta eima pie pazao lyma thei awpa;
- e. Covid-19 nata Chariah adyuhna vata niedo nata kihisa rairuna atyh haipazy deichhyna hneipa ta ama hrona thlah paloh thei awpazy.

f. Peimawh hropazy chata chhao thlachha theipa a cha.

COME Principal zy Incharge Apiena Program hnei May 1, 2020 (Friday) noh COME Sikul liata Sayakyi Mch. Heichha ta Sayakyi Mch. Tôma (Outgoing Principal) tawhta COME Principal thieha incharge lana a hnei. He Incharge apiena program liata Rev. Dr. Zodau ta Chairman chakao ta, Rev. Dr. L. B. Siam ta bietaena reih ta, Principal parahpa nata thieha zy chhaota bietaena biereina hnei rairipa a cha. Sayakyi Mch. Tôma he Principal kô 3 a vaw chakao hawpa cha ta, a chakao chhoh ta, py 10 a vaw pass theipa hluhpi ama vaw y. Distinction ahmopa chhao ama vaw hluh kaw. Chin State liata COME Sikul he moh a vaw palasa kaw. Chavata Sayakyi Mch. Tôma cho liata tha ta eima ly. Principal thieha Mch. Heichha chhao experience ahnei kawpa a chana hawhta COME Sikul byhna a vaw baichhatuha a vaw cha heih aw taha eima thlachhana a cha. Programme liata mo 9 kiapa cha ta, Rev. Satu Ve U (COME Chaplain) thlachhana ta daihti pachhasapa a cha. COME Sikul chhao he Covid-19 hriiah vata khaw chypa a cha hra. Sawkha Sikul a vaw pahy tawhta thlai pahy hra awpa cha aw ta, atahma he Sikul o zy parah nga no cha ta, Sikul hawtazy nie awpa ta sapha zy, tihâ awpa sathawzy dailuah zy, vakhauhzy etc... chalei khai haw pita, meitho zy chhao eima papo khai aw. Pachutuh awpazy liasa ta pachhauhpanoh khaiha cha ta, Covid-19 hriiah a vaw pai sala, sikul pahy ba awpa a ngiatiah khao mapi.



Principal Incharge ama pie nopa

Bakala Meikâ baona kyh pahnosana

Paletwa Bia Bakala khih liata April 19, 2020 noh ta mochao meikâna ama vaw tyh. Odyh 13 nata Community Hall dyh 1 a kê haw. Chyhsa odyh 13 hry liata MEC awnanopa dyh 8, Lutheran awnanopa dyh 1, Anglican awnanopa dyh 2, nata Baptist dyh 2 ama hlao. Vâduana a tyhpa maluh mo 59 ama pha. Chavâta MEC awnanopa local to ta taokheina nata deichhyna tao ta eima hniachaipa MEC Office lâta nama paphao chyu awpa ta pahnosana chaneipa nama châ.

Atanoh taih ta baona a vaw pie chypazy

1. MEC Office Emergency châta Ks. 13 lakh nata sapha bag 13
2. HHM, TSD nata MECSDDzy tawhta Relief Ks. 13 lakh
3. Lialaipei Bia Ks.838000/, chysia bag 9, nata sapha bag 1
4. Maryland (USA) Ks. 1396405/-
5. Indianapolis (USA) Ks. 1300000/-
6. Australia MEC Ks. 1720000/-
7. Kentucky MEC (USA) Ks. 806681/-
8. Ma U local Ks. 137900/- nata Bakâ, chysia zy
9. St. Siachai (USA) Ks. 209445/-
10. Indiana (USA) Ks. 875000/-

Zawpi Apakhyna Chalihsa Chypa

Atahma hla chhôn khizaw nata Myanmar râh ta atyh haipa Covid-19 potlana vâta, khizaw zydua atyhreih ta, sawhkha nata Awnanopa chhao a raihria awpa hawhta a chakao thei khao leina daihti eima tlô haw. Chavâta keimo Awnanopa chhao March 24, 2020 tawhta Zawpi ahmaohna a châpa apakhyna zy, bie achuna zy, Sunday School achuna zy, seminar nata zawpi ahmaohna zydua cha Sawhkha biepipa hawhta chalihsa chypa a châ. Chawh hawhta zawpi apakhyna eima hnei thei hlâ viata cha Awnanopa local church to ta, ary liata palasapa hawhta chakaona nama vaw hnei chyu awpa ta pahno-sapa nama châ.

- a. Zawpi apakhyna a y khao leipa vâta odyh to ta, ama o châyhyu liata program pha kawpa ta taopa ta apakhy awpa a châ aw.
- b. Pakhy za, Pachyh za, nata Abeipa noh maih ta pakhy na dawh paro aw ta, chhôn tota ama o châ chyu liata ama pakhy aw.

- c. Ama o liata sôh thyuna zy, Beiparisôh thyuna zy, Noh peimawhpa sôh zy, Mission sôh zy, KTS zy thyuna a y lyma aw.
- d. Odyh tota sôh thyupa cha local standing paryhsana zie hawhta Machâ bia chyu ta tlyma, kheituhpa raopa ta tlyma sôh nata Beiparisôh pahmaohpa a châ aw.
- e. Athipa ama y pathlei khihta cha, zawpi ta ri kiapa châ leipa aw ta, mo chyh mo chyhta ta a pathlaipa ta ri kiapa a châ aw.
- f. Covid-19 pakhâna daihti chhôn liata peimawh tupa vâta kupasa awpa âbyuh ha khiah ta cha, Local Standing ta Dychâ Tlaawna he zawpizy pahno thai nawpa ta tla awna dâh pachâ aw ta, kupatusana daihti liata chhao, moh chyhta dei ahmaoh awpa a châ aw.

Sawhkha tawhta zawpi ahmaohna pasaina a ypa ta nahta local church to lata thatih pahnosapa a châ aw. Cha hla viata cha apakhyna chhao daihti thliena y leipa ta chalihsa chypa a châ.

Ei 69na KNP Dua Noh Hmâna Dâh Pahnosana

Ei 69na KNP aduana Noh ahmâna cha Covid-19 vâta kôhropazy hawhta zawpi a pahmaohpa ta ahmâ thaipa vaw châ khao vei. Chahasala, he KNP aduana noh he chhôn tota thapawh kawpa ta a hma awpa a châ aw. Chhônkhka liata sermon ahnei awpa, Thlachhana ahnei awpa, soh akhei awpa nata ahlâ awpa, bievaio a reih awpa, nata hla solo a sa awpazy a raokhai hâ ula, ahmâ pha chyu awpa ta pahnosapa nama châ. Sôh pahmaoh theipa zydua Local KNP EC memberzy ta ama pahmao aw.

A dua noh : May 17, 2020 (Sunday)

Biepipa : Kyhpachâna diah beih leipa (Is. 49:15)

Pahnosana

1. Lorrain Bible Correspondence achuna he May 2020 liata pahrua awpa châ taraw ta, Covid-19 vâta achuna pahrua mah khao leipa a châ. Ryhpaohna daihti eima hmô tuapa liata pahruana nata pahnosana eima vaw tao aw. A pazao khohpazy deikua Rev. Dr. Zodau, ES. Education, Office Lialaipei lâta azaona nama hnei aw.
2. Lorrain Theological College chhao pahy thei mah leipa a châ. College pahyna deikua Lorrain Theological College tawhta Principal ta pahnosana a vaw tao aw.

Hro Pachhana Raihria

Mara rãh liata NGO phupy eima hnei tlakaihpa MEC-SDD, HHM nata TSD zy a pakaohpa ta Paletwa pai liata Mara khih a ypa khih 13 zy lâta Tãri 24.2.2020 tawhta 29.4.2020 taihta AA nata Tatmadaw zy adyuhna vãta rairu atyhpazy hnohta Sapha bag 530, Alõh Kg. 500, Chini bag 36, Sathaw litre 1095, Nutrition Powder Bottle 120, Milk Powder bottle 90, Amoxicilic Stripes 300, Paracetamol stripe 300, Omeprazol stripe 300, Metro stripe 300 zy hlã theipa a chã.

Maraland Covid-19 Prevention Committee tawhta pahnosana

COVID-19 AVAINA VÃTA BIETLAH ZAWNA DAIHTI PASISANA

April 30, 2020 (Thursday)

1. COVID-19 tawhta a vai phapa ta eimã boh thei via nawpa ta, Mara rãh liata a ypa zawpi zydua pathlua leipa ta zi cheingei awpa ta Mara Evangelical Church (MEC), Baptist Church of Maraland (BAM), Mara Thyutlia Py (MTP), Mara Students Association (MSA), Mara Chanõ Py (MChP), Together for Sustainable Development (TSD) nata Health and Hope Myanmar (HHM) zy ta Mara zawpi lâta hmaohkha ta March 30, 2020 noh ta tlah zawna taopa chã ta atanoh April 30, 2020 noh liata daihti a chhã haw.
2. **Anodeikua Covid-19 hriiah he paru viana lâta a chã lymapa vãta eima BIE TLAH ZAW chiehpa kha sawhkhã tawhta bie a vaw y hlã via ta cha daihti thliena y leipa ta hmã lyma chy awpa a chã aw.**
3. Khi to Covid-19 Hriiah avaina kyh liata apohkhana nata tiamana chõta nama tao phapa pahno pita MCPC ta eima ly ngasa. Marapa rãh nata Marapa sawzy Covid-19 tawhta aboh mawh sy!

Mã hneipa aleisu

Ngiapãlahpa Marapa zydua saih u, ABeipa ta eima rãh ti nata tlãhzy khodãh hawhta hmã thei chy awpa ta maniah apasaipa vãta eima ly ngaita kaw. Eima rãh he kaokha lâta eima sai tita si (a&T) lõsõhpa (ausmufpdf;)zy hawhpa puana rãh a chaleipa vãta sipasapa eima tah tyh. Athaona liata ABeipa ta alei nata avã taota tahpa Biehra liata hmõpa a chã. Alei he mã hnei kawpa ta Khazohpa ta a vaw taopa hawhta, Keimo chhao mã hnei kawpa alei ama pachasa cheingei awpa ãbyuh haw hra. Si nata alõsõhpa pua vei hrasala alei eima hmã khai theipa vãta hneirõh kawpa eima cha tah

theipa a chã. Si nata lõsõhpazy puana su he cha keimo hawhpa sipasapazy aleihe hmã theipa cha khao leipa ta hneirõhpa deita hmã theipa a vaw cha haw. Ama hmãna chhao he chyhsa chãta chi chhihpa chemical zy hmãpa ta nie papuana su ta a chã haw bã. Chavãta Marapa rãh liata apahrapa eima zydua ta eima rãh ti nata tlãh he mã ahneikawpa aleita hmã thei awpa ta eima rãpasua awpa a byuh haw. Atanoh he keimo hawhta sipasapazy ta eima khisa ati-avyna chãta hmã theina daihti ryhpaopa a vaw cha. Eima rãh he chyhsa hnatlãhna chãta apha chaipa ngiaryh achhih chaina rãh Chemical ("gwk) rai ahlaõ leipa nie nata do puana rãh mã hneipa alei a cha thei nawpa ta chichei he tiamã papua sila, May-June thla lia heta kõseihipi chãta chicheipa (ESpf&Snyfif) chicheina daihti a vaw cha. Tiahma papua chy suh vei.

Rairu atyhpazy chãta thlachhakhei awpazy

1. Rev. Khakõ, tlãh leipa Yangon General Hospital liata a y. A vaw tlãh patoh thei nawpa ta thlachha bao awpa
2. Malaysia liata a y haipa Mara sawzy chãta thlachha awpa. Marasaw Malaysia liata a ypazy cha Covid-19 vãta thokha zy cha rai zy hria thei khao veih ei. Thokhazy cha ama yna ozy khawhlõhpa ama chãpa vãta tha ta niedo rairuna ama tyh. Chavãta thlachhakhei awpa ama peimawh
3. Paletwa liata a ypa eima awnanopa nata KEA awnanopazy chãta. AA nata Tatmadaw chariah adyuhna vãta KEA odyh 15 zy cha cha Paletwa liata Refugees ta ama y. MEC awnanopa member thokha zy o cha chariah adyuhna vãta eima ochõ zy charih a khai ta, chahrasala chyhsa dei ama boh bao.
4. Ann khih liata eima mission field tawhta awnanopa zy refugee ta ama y hõlõ. Asho field tawhta Yangon liata a ypa Refugees mo 29 ama y. Meletchaung liata awnanopa odyh 14 hry ta, odyh 5 ngalah ama y. Thlalõhna viana su lâ ama pangai chy. Office liata Chãbu chalei theipazy
 1. Hlabu laipa 4500/-
 2. Chicheina dãh 2000/-